

新民晚报 | 星期天夜光杯 / 上海闲话

茄山河

因为有豫园

文 / 马尚龙

如果讲，老城隍庙是中国第一代“吃货”津津有味个根据地，那么，老城隍庙也是中国第一代贤妻良母小百货个集中营。老城隍庙勿是四大公司，伊种介地方是买撑面子个物事【mak-shy】，老城隍庙是买过日脚个东西，日用小百货，连大口玻璃瓶样个东西，连热水瓶塞头样个小物事，伊可以辣老城隍庙里买到。多年后有位先生个姆妈突然行动勿便，迭位先生急于买一根拐杖，到阿里去买？伊个姆妈提醒伊，老城隍庙呀，伊搭块肯定有。伊去了，果然呒没错。当年辣城隍庙买日用品个勿会是佣人，勿会是有铜钿个太太，只有贤妻良母。也只有贤妻良母对老城隍庙五香豆更加钟情，勿剥皮勿吐核，边走边吃且勿失女人个样子。而且派头大开销省，回到屋里分一点拨人家也舍得。



图 / 桑麟康

有吃，有买，有九曲桥，有鱼，依旧是小朋和女人个喜欢；再往前，始建于清朝个湖心亭，

是个爷爷辈个人喫茶听评弹个地方，蒋调、张调、徐调、琴调，拂过

湖中荷花，沿着九曲桥而弥散。介许多年过来，迭个有声有色个美

景，仍旧是美景。只是人太多，伊丽莎白二世和克林顿辣湖心亭品茗赏荷之视线所及，那是阿拉及不了了。

再往里走，会经历老城隍庙意境最大个反差。卖梨膏糖，代表了最市井世俗个吆喝，甬种吆喝逐渐成为了勿着边际信口胡说个代名词，脱卖狗皮膏药是差勿多个意思。紧接着迭能一种市井风情，便是到了中国第一代小资个舒卷怡情个集散地，豫园。历来上海人是将老城隍庙告豫园当作连体个风情地，实际上，正是雅俗两种文化个巧妙对接。可以佐证个是，2013年9月，中国邮政发行了《豫园》特种邮票，一套四枚，有豫园个景致，也有湖心亭九曲桥个全貌——老城隍庙告豫园难分彼此。有情调个男女，逛了城隍庙后会去豫园漫步，稍好个人家，会辣豫园拍一张全家福。1980年代初期，电视台好几年中秋晚会，都安排辣豫园，赏月，赏桂。比起当下很多电视晚会奢侈掩盖着个苍白，比也勿能比。

甬就是老城隍庙，也是感觉上具有唯一性个老城隍庙。城隍庙勿是唯，城隍庙里个元素组合、城隍庙与豫园个对接才是唯

一。甚至老城隍庙里几十年间有一家全中国独一无二个店，真正个独此一家别无分店：“永青假发店”。小辰光每一次经过，都会突出声来开个张望，很想看到一个秃头进去……未曾想几十年过后，自家也成了“绝顶”聪明个人。

永青假发做勿到永青，但是老城隍庙个世俗生命力真是永葆青春。“老庙黄金”是上海黄金饰品个品牌。论资历脱历史，老庙黄金比勿上老凤祥，老凤祥是从创始于1848年个老凤祥银楼而来，老庙黄金已经是1982年个事情了，但是老庙黄金拥有一份全国纪录，伊是国务院批准国内恢复销售黄金饰品后上海开设个第一家黄金零售点。为啥上海老城隍庙还有一家老庙黄金，其实两者间呒没从属关系，但是啥人又能说两者间呒没互为因果个生长？甬一家沾了老城隍庙仙气个黄金珠宝首饰店，沾到个是老城隍庙市井民俗却勿乏情调意境个大上海文化，沾到个是脱老城隍庙一样个勿唯一个唯一。

远开一点

馋痨

文 / 彭瑞高

“馋”字的形状有点难看，馋嘴的名声更不好听。不过有人说，“馋”和食欲相通，一个人肚子饿了，又见到好味道，谁又不馋呢？

当然，馋得过分确实不好；吃相难看，更被人看不起。上海话里的“馋痨病”，鄙视的就是这个。

“痨”这个字现在见得少了。上世纪早些时候，“痨”是常用字。中医称结核病为“痨”。“痨病”还一度特指肺病。我母亲解放初曾经在“防痨协会”工作，后改为“肺病防治协会”，从中就可看出“痨”与肺病的关系。其实“痨”不止于肺，还有肠痨、骨痨，妇女病当中还有“干血痨”。

现在，“馋”也变成“痨”了！这两句上海话造得够恶客的。“馋”明明不是病，却把它跟“痨”和“病”组在一道，这里面是不是还有诅咒的成分呢？我看看是有。

上海人生活考究，做派文雅，对贪嘴的、吃相难看的人，最看不入眼。所以，上海话里跟“馋”字搭配的，没有一个好字，除“馋痨”和“馋痨病”外，直指贪嘴客的，还有“馋痞”“馋痨痞”“馋痨鬼”等。你看，“鬼”是“非人”，“痞”是“坏人”，一个人要是太馋了，真是要命。

曾有人问：“馋痞”和“馋痨痞”，是否应写为“馋胚”和“馋痨胚”？从上海话发音看，是可以的。我在郊区听到，农民骂手脚不干净的人为“脏胚”，骂滥吃滥用的人为“烂料胚”，“胚”在这里也不是什么好字，起码也是个不登大雅之堂的字。

沪读码头

蟹簕和上海地名个渊源

文 / 曹伟明

青浦，伊是个水乡泽国，上海个文化源头。早拉六千年前，上海先民就拉现在个青浦白鹤，唐宋青龙镇个吴淞江边，捕鱼捉蟹，繁衍生息。当年，上海个吴淞江面宽阔，水势浩瀚，上海先民发明了一种专门用于江海捕鱼蟹个工具，叫做“沪”。唐代个文人陆龟蒙曾拉《渔具诗》序言中讲到：“列竹于海曰沪，吴之沪渎是也”。“沪，吴人今谓之簕”。

说起蟹簕搭上海地名个历史，还有甬样一个传奇个故事：据说当年汉高祖刘邦跟项羽，拉拉江东北水网地带几次交战，屡屡输脱，伤亡邪气大。刘邦一面抓紧军队操练，一面跟手下谋士张良谋划，要伊开足脑筋，设法以寡胜多，以智取胜，打败项羽个兵将。

一日，张良带着积聚拉拉心头

个烦恼，独家头来到了吴淞江边。突然间，伊远远看见一个老渔翁，挑仔一付竹篓，正朝伊甬边兴冲冲个走来。张良上前一看，原来，前后两只装得满满个篓子里，竟然是清一色鲜蹦活爬个清水大闸蟹。张良啧啧称赞说：“好蟹，好蟹，依一家头哪能捉得到介多蟹？”

老渔翁一言勿发，闷声勿响个带仔张良来到吴淞江边，指着一排排竹编个蟹簕，自豪个讲：“依看介许多大闸蟹，随着吴淞江潮水，通过我布下个竹编蟹簕，左转右转，一路朝里爬行。到后来，蟹越爬越进，只进难出。我是来多少，捉多少，呒没一只漏网。蟹簕叫我省省力，我只要用‘海斗’到‘蟹簕’中捞就是了。迭种战术叫做‘瓮中捉鳖’”。

“啊，原来是迭能样子。好，邪

气好！”张良经过老渔翁一番话点拨，兴奋个跳了起来。心中暗自得意，迭个勿是我冥思苦想琢磨，以逸待劳，以寡胜多个制胜办法吗？张良立马谢别了老渔翁，回到了军营，拿起了纸笔，按照蟹簕捉蟹个原理，点点画画，修修改改，连夜炮制出一幅用兵制胜个“八卦阵图”。伊立马就交拔刘邦审阅，解释了自己哪能操练部队，哪能布局兵阵个计策。

说来也巧，拉拉刘邦布阵操练成熟个辰光，正巧是项羽兴兵进攻个日脚。迭辰光，汉军个士兵，虽然人数勿多，但是经过严格训练，人人遵守纪律，个个各就各位。伊拉一歇歇虚张声势，诱敌深入；一歇歇声东击西，各个击破。楚军闯入了张良布下个迷魂阵。楚军就像吴淞江个大闸蟹爬进蟹

簕甬能，左转右转，越闯越深，晕头转向，好进难出。到后来，凡是闯八卦阵个，统统被汉军消灭清爽。即使楚军士兵额角头高，呒没进入阵地个，全都喊爹叫娘抱头鼠窜。

后来，上海先民把迭种充满智慧个蟹簕，命名为“沪”，作为上海个地名。伊来源于上海先民用绳编列竹棚，插拉水中个涨沙上，向两岸张开个蟹簕。伊可以潮上倒伏，潮退立起。让随潮而入个鱼蟹，受阻于竹棚，渔家能够轻易个获得丰收。迭种利用潮汐涨落原理个蟹簕，使捕捉鱼蟹个方法交关巧妙。伊体现出上海先民个聪明才华跟智慧思维，迭是当今上海城市精神个文化基因跟历史源头，应该成为上海个非物质文化遗产。

闲话闲画

新版七十二家房客

文图 / 阿仁

上海人躺着中枪。“躺着中枪”是网络里流传开来个时新闲话，意思是无端受到别人家个议论、调侃、甚至攻击。事体是甬能介个：国庆节上海申花足球队主场对江苏舜天，双方球迷辣比赛开打前就辣看台上大家来骂山门。吵相骂呒没好闲话，骂猪骂狗骂鸡。某体育网站正辣作球赛直播，某讲解员辣试音个辰光就一口气讲了：“江苏队1号球员江苏x、2号球员江苏x、3号球员江苏x、某号球员黎巴嫩江苏x……”拿客队骂成了小狗小猫。想勿到甬一段段试音被播出去了，就此闯祸。舜天俱乐部赛后要追责，江苏球迷要讨说法，各地声援者众多。央视“东方时空”也严厉批评甬样个地域歧视言行。某网站马上对相关人员进行开除，还诚恳对受害一方赔礼道歉。事体进展很快，平息得也勿慢。因为闯祸是上海人，网上拍砖个就拿上海人当成了出气包。上海人乃末躺着也中了枪。冤枉官司。

旧上海十里洋场，容勿得一个



土字。土包子、乡下人、外地人亨八冷打是小瘪三。勿但“瘪”，而且“小”。到上海来谋生个江苏人只要是长江北面个人，就贬称伊拉为江北人。长江南面个人勿称伊拉为江南人，只以地名相呼：丹阳人、常州人、无锡人、常熟人、苏州人。旧上

海人伊个辰光还勿与“江北人”结亲通婚。好像纳了一个苏北人做媳妇，招了一个苏北人做女婿就辱没了家风。解放以后，甬种地域歧视渐渐消灭。到了改革开放之后，国门大开，海纳百川，勿但天南地北个人到上海来发展，连外国人，勿

管白个黑个红个都游到黄浦江里来加盟上海滩了。地域歧视更加被冲得稀里哗啦。上海人有甬种地域偏见个只是上三代个古稀老人，上二代个退休老人也勿再看低看贬外地人、勿再看高看重外国人哉。某讲解员是下一代人，想勿到伊脑子里还屯积着旧上海个古董念头，蛮滑稽个。好辣伊已经认错道歉，还是一个可以教育好个乖小囡。

上海滑稽戏里个经典大戏《七十二家房客》和传统名段《十三个人又麻将》中，南腔北调，噱头百出。小苏州看到老宁波触气，老广东看到小苏北惹气。就是同一个上海人里向，川沙人碰到崇明人还会话勿投机。戏文里个甬点事体辣今日上海城里已经烟消云散了。大家走出弄堂搬进了小区。勿管依开口讲阿里一个地方个家乡闲话，大家攀谈来攀谈去只有一个主题：和谐平安、幸福家园。新个上海屋檐下，可以写出新篇七十二家房客、新版十三个人广场舞，是哦？